

MIGHTY TALENT CALYPSO Y ROADMARCH KING 1992

Calypso mester tin mas contenido y mensahe



**** CLAUDIUS PHILIPS, "MIGHTY TALENT",** a marka historia como e unico cantante di calypso contest, cu tin e record di pa **10 aña** consecutivo ta logra di conquista e titulonnan di sea **CALYPSO KING** o **ROADMARCH KING**.

E aña aki tabata su di 10 participacion den calypso contest, cual ela sabi di celebré den un broche de oro, logrando e maximo titulonnan di

CALYPSO y ROADMARCH KING. Apesar cu e aña aki ela haya un competencia hopi fuerte di varios calypsonian e.o., Challenger y e batascas Mighty Hippy kende porsierito tabata e revelacion den calypso e aña aki, y hasta tabata e gran favorito, **Mighty Talent** tog a logra di sali victorioso.

Den un entrevista exclusivo cu **DEN AMBIENTE** a sostene cu e talentoso Rey di Calypso, **Mighty Talent**, ela declara cu su triunfonan den su 10 añanan glorioso den festival di calypso, ta debi cu tur su calypsonian y roadmarchnan tin contenido y mensahe, caminda e ta expresa su desgusto y criticanan di tur locual cu ta pasando riba nos isla, cual mayoria biaha ta riba caya so ta ser comenta.

E competencia pisa cu ela haya e aña aki muy especial serka **Mighty Hippy** cu e calypso **"TINGLELING SONG"**, kende hunto cu **Hildward Croes y Chicho Kock**, a sabi di trece un melodia hopi alegre, y cu segun comentarionan ta e cancion aki mester tabata e calypso ganador, **Mighty Talent** ta comenta cu locual e ta kere a bruha hopi hende ta e tremendo ritmo pegahoso, pero e letranan mes no tabata tin un **contenido y mensahe** manera un calypso ganador ta existi.

E ta kere cu si **Mighty Hippy** lo a trece un mensahe, protesta o critica constructivo comina cu e ritmo alegre di su

calypso, anto sigur awe kisas e lo tabata e Calypso King. Locual cu tin hopi hende bruha tambe ta cu hopi ta kere cu Calypso ta ensera melodia so, pero enrealidad calypso mester ta mas letra cu melodia. Esaki a sali na claridad tambe durante e tayer di calypso cu su persona y mas musiconan a ricibi for di e **"CALYPSO KING OF THE WORLD"**, **Mighty Sparrow**. E la keda masha contento cu e tayer cu **Mighty Sparrow** a brinda na e musiconan cu tabata presente, pero tabata un lastima cu net esnan cu ta pretende di sa hopi di calypso, no tabata presente pa asina nan por a siña for di e maestro di musica di calypso **Mighty Sparrow**, kende a duna un magnifico tayer, splicando ampliamente kiko ta come y bebe di calypso.

Mighty Sparrow a duna un bon ehempel caminda e ta trece dilanti cu actualmente e calypso ta birando demasiado instrumental, caminda e cantante ta canta menos. Pero segun **Mighty Sparrow** e realidad ta cu ta e cantante mester canta mas cu musica, pa asina trece su mensahe dilanti.

E ta kere cu si **Mighty Hippy** lo a competi cu e piesa aki pa roadmarch, e posibilidad tabata grandi cu e lo a bay cu e titulo di roadmarch king. **Mighty Talent** a declara cu durante aña e ta busca infor-

macionnan y nota, pero e no por traha su calypso di un aña anterior, ya cu e tin cu acumela tur e ultimo informacionan hunto pa despues formula su mensahenan den su Calypso cual semper e ta haci den un forma homoristico. E motibo cu e ta usa menos musica den tur su calypsonian ta, pa asina tur hende presente na e momentonan ey por scucha y comprende su mensahenan claramente. Ta pesey tambe e ta aregla tur su calypsonian den un tempo suave. Tocante su roadmarch **"TIRA AWA"**, tambe ta un mensahe pa lubida tur e problemanan cu a surgi durante aña, cual un di nan ta e recien eleccion pa un Gobierno nobo cual a ocasiona hopi problema.

Personalmente e ta haya cu **Mighty Hippy** tin un excelente voz y ta domina e idioma ingles perfectamente, tambe locual ta hopi importante cu e ta un tremendo entertainer, locual ta haci hopi falta awendia den farandula na Aruba. Por spera di **Mighty Talent** den futuro un tremendo produccion di su prome compact disc. Despues cu aña pasa e la cuasa furor cu su hit **REDO**, actualmente e ta cosechando exitonan grandi cu su tremendo hit **"JERUSALEM"**.

KEDA PENDIENTE pa su prome C.D., cual ta priminti di bay dal **DURISIMO !!!**.

MIGHTY TALENT SU 10 LOGRONAN DEN CALYPSO CONTEST

- 1983 Calypso king (The Suprise).
- 1984 Calypso King (Cockfight) y Roadmarch King (30 years falldown).
- 1985 Calypso King (Black & White).
- 1986 No tabata presente na Aruba. (Studia na Merca).
- 1987 Calypso King (Aruba) y Roadmarch King (Push it higher).
- 1988 Calypso King (I Mad).
- 1989 Calypso King. (Shut up your mout). Roadmarch King (Carnaval come again).
- 1990 Calypso King (Nosotros) y Roadmarch King (Dede).
- 1991 Calypso King (Calypso Classic) y Roadjam ("Ambiente" [Simon say ki Tin ?]).
- 1992 Roadmarch King (Scratchin).
- 1993 Calypso King (We) y Roadmarch King (Tira Awa).